

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

### 1. ხელშეკრულების დამდები მხარეები

ერთის მხრივ სსიპ საზოგადოებრივი მაუწყებელი (შემდგომში „შემსყიდველი“) მისი გენერალური დირექტორის ვასილ მაღლაფერიძის სახით და მეორეს მხრივ, \_\_\_\_\_ (შემდგომში „მიმწოდებელი“) მისი დირექტორის \_\_\_\_\_ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე: შემსყიდველმა ჩაატარა ელექტრონული ტენდერი (-----) მაუწყებლობისა და ტრანსლაციების კომპლექსის სახელმწიფო შესყიდვაზე (კლასიფიკატორის (CPV) კოდი №32300000 - ტელე- და რადიოსიგნალის მიმღებები და აუდიო- ან ვიდეოგამოსახულების ჩამწერი ან აღწარმოების აპარატურა) რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებელმა აიღო ვალდებულება მიაწოდოს შემსყიდველს ხელშეკრულებით გათვალისწინებული შესყიდვის ობიექტი.

1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

- ა) წინამდებარე ხელშეკრულება;
- ბ) პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი;
- გ) სატენდერო დოკუმენტაცია;

### 2. ხელშეკრულებაში გამოყენებულ ტერმინთა განმარტებები

2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

2.3. „დღე“, „კვირა“, „თვე“ – კალენდარული დღე, კვირა, თვე.

2.4. „შემსყიდველი“ – ორგანიზაცია, რომელიც ახორციელებს შესყიდვას.

2.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

### 3. ხელშეკრულების საგანი

3.1. მაუწყებლობისა და ტრანსლაციების კომპლექსის სახელმწიფო შესყიდვა.

3.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.

### 4. ხელშეკრულების ღირებულება

4.1. ხელშეკრულების ჯამური ღირებულება შეადგენს \_\_\_\_\_ლარს.

4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

### 5. ხელშეკრულების შესრულების კონტროლი

5.1 მიმწოდებლის მიერ შესყიდვის ობიექტის მიწოდებასთან დაკავშირებული ვალდებულების შესრულების კონტროლს შემსყიდველის მხრიდან განახორციელებენ - სსიპ „საზოგადოებრივი მაუწყებლის“ უფლებამოსილი თანამშრომლები.

5.2 შემსყიდველი შესყიდვის ობიექტის მიწოდების პარალელურად საკუთარი სახსრებით განახორციელებს შესაბამის ტექნიკურ და ხარისხობრივ შემოწმებას, იმ შემთხვევაში თუ შესყიდვის ობიექტს შემოწმების პროცესში

აღმოჩნდება გარკვეული ხარვეზები ან შემოწმებული საქონელი ან შესყიდვის ობიექტი ვერ დააკმაყოფილებს ტექნიკურ მონაცემებს, შემსყიდველი უფლებამოსილია უარი განაცხადოს შესყიდვის ობიექტის მიღებაზე და მიღება-ჩაბარების აქტის გაფორმებაზე.

5.3 ტექნიკური შემოწმების პროცესში მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ხარვეზის აღმოფხვრა.

5.4 შესყიდვის ობიექტის ტექნიკური და ხარისხობრივი კონტროლი (შემოწმება) გაიმართება მიმწოდებლის მიერ მითითებულ მისამართ(ებ)ზე, ხოლო შესყიდვის ობიექტის საბოლოო შემოწმება და მიღება მოხდება შემსყიდველის იურიდიულ მისამართზე, მიმწოდებელი ორგანიზაციის წარმომადგენლ(ებ)ის თანდასწრებით ქ. თბილისში მ. კოსტავას ქ. #68-ში.

5.5 მიმწოდებლის მიერ მითითებულ მისამართ(ებ)ზე შესყიდვის ობიექტის ტექნიკური და ხარისხობრივი კონტროლის ხარჯებს ანაზღაურებს შემსყიდველი (სსიპ „საზოგადოებრივი მაუწყებელი“).

## 6. შეფუთვა

მიმწოდებელმა უნდა უზრუნველყოს შესყიდვის ობიექტის ისეთი შეფუთვა, რომელიც დაიცავს მას დაზიანებისგან დანიშნულების ადგილზე ტრანსპორტირების პროცესში.

## 7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიწოდებისა და ექსპლუატაციაში შესვლის ვადა, ხელშეკრულების ხელმოწერის მომენტიდან, საბოლოო მიღება-ჩაბარების აქტის გაფორმებამდე არ უნდა აღემატებოდეს 200 (ორასი) კალენდარულ დღეს.

7.2 შესყიდვის ობიექტის მიწოდების საბოლოო ადგილია: ქ. თბილისი, მ. კოსტავას ქ. №68; შესყიდვის ობიექტის მიწოდება შესაძლებელია განხორციელდეს ეტაპობრივად.

7.3 შესყიდვის ობიექტის მიწოდებას - ქ. თბილისში კოსტავას ქ. №68-ში, - უზრუნველყოფს მიმწოდებელი საკუთარი ხარჯებით (საქართველოს კანონმდებლობით გათვალისწინებული ყველა გადასახადისა და გადასახდელის, ასევე ყველა ხარჯის ჩათვლით, რომელიც დაკავშირებულია შესყიდვის ობიექტის მიწოდებასთან).

7.4 შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

7.5 მიღება-ჩაბარების აქტების გაფორმების პარალელურად მიმწოდებელი ვალდებულია წარუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

7.6 მიღება-ჩაბარების აქტების გაფორმებაზე პასუხისმგებელ პირს წარმოადგენს წინამდებარე ხელშეკრულების სპეციფიკური პირობების 5.1 მუხლში აღნიშნული პირები.

7.7 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო შესყიდვის ობიექტი.

## 8. გარანტია

8.1 მიმწოდებელი იღებს ვალდებულებას, რომ მიწოდებული შესყიდვის ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

8.2 მიწოდებული შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

8.3 ყველა მოწოდებულ აპარატურაზე, პროგრამულ უზრუნველყოფაზე, სერვისზე, ავტომობილებზე და სხვა შემადგენელ კომპონენტებზე უნდა ვრცელდებოდეს არანაკლებ 2 (ორი) წლიანი გარანტია.

8.5 კომპლექსის შემადგენელ ძირითად აპარატურაზე და სისტემებზე უნდა ვრცელდებოდეს არანაკლებ 2 (ორი) წლიანი მხარდაჭერა (support).

8.6 საგარანტიო პერიოდში მიწოდებულ შესყიდვის ობიექტზე ხარვეზის, დეფექტის ან/და დაზიანების (სწორი ექსპლუატაციის პირობებში) აღმოჩენის შემთხვევაში, მიმწოდებელმა საკუთარი ხარჯებით უნდა უზრუნველყოს შემსყიდველის შეტყობინების მიღებიდან (ზეპირი ან წერილობითი ფორმით) დაზიანების სირთულიდან გამომდინარე 10 დან 30 სამუშაო დღის განმავლობაში შესაბამისი ხარვეზის აღმოფხვრა. საგარანტიო პერიოდში საჭიროების შემთხვევაში ტრანსპორტირების ხარჯებს ანაზღაურებს მიმწოდებელი.

## 9. ანგარიშსწორება

9.1 გადახდის ფორმა - უნაღდო.

9.3 ანგარიშსწორების გრაფიკი (მხარეთა შეთანხმებით);

9.4 ინფორმაცია ანგარიშსწორების შესახებ - მიმწოდებლის მოთხოვნის შემთხვევაში, შემსყიდველის მიერ ანგარიშსწორება განხორციელდება წინასწარ. კერძოდ, შემსყიდველი ავანსად გადაურიცხავს მიმწოდებელს ხელშეკრულების საერთო ღირებულების 30%-ს მიმწოდებლის მიერ ავანსის სახით გადასახდელ თანხაზე საავანსო საბანკო გარანტიის წარმოდგენის შემდეგ\*, ასეთი გარანტიის წარმოდგენიდან 10 (ათი) კალენდარულ დღეში ერთდროულად. დარჩენილი სახელშეკრულებლო თანხის 70%-ის (სამოცდაათი პროცენტი) გადახდა მიმწოდებლისათვის განხორციელდება დაუბრუნებადი დადასტურებული დოკუმენტალური აკრედიტივის ფორმით. შესყიდვის ობიექტის მიწოდების შემდეგ ეტაპობრივად, მხარეთა შორის მიღება-ჩაბარების აქტ(ებ)ის გაფორმების საფუძველზე მოხდება აკრედიტივის გათავისუფლება მიმწოდებლის სასარგებლოდ.

- საავანსო საბანკო გარანტიის მოქმედების ვადა მინიმუმ 90 (ოთხმოცდაათი) კალენდარული დღით უნდა აღემატებოდეს შესყიდვის ობიექტის მიწოდების დასრულების საბოლოო ვადას.

9.5 წინასწარი ანგარიშსწორების მოთხოვნის არარსებობის შემთხვევაში, ანგარიშსწორება განხორციელდება შესყიდვის ობიექტის მიწოდების შემდეგ ეტაპობრივად, მხარეთა შორის მიღება-ჩაბარების აქტის გაფორმების საფუძველზე დაუბრუნებადი დადასტურებული დოკუმენტალური აკრედიტივის ფორმით. (მოთხოვნა საავანსო გადახდაზე უნდა იყოს აღნიშნული სატენდერო წინადადებაში იხ. დანართი №3).

\* - მიმწოდებელი ვალდებულია, შემსყიდველს წარუდგინოს საქართველოს კანონმდებლობის შესაბამისად ლიცენზირებული დაწესებულების (უცხო ქვეყნის საბანკო დაწესებულების შემთხვევაში, იგი გადაზღვეული უნდა იყოს საქართველოს ეროვნული ბანკის მიერ ლიცენზირებული საბანკო დაწესებულების მიერ) მიერ გაცემული, ავანსის იდენტური ოდენობის საბანკო გარანტია. საბანკო გარანტიის ნიმუში თან ერთვის დოკუმენტაციას იხ. დანართი N4.

9.6 სახელმწიფო შესყიდვის დაფინანსების წყარო: 100 % - კრედიტით მიღებული სახსრები (2019 წლის სახსრები)

## 10. ფასები

10.1 ხელშეკრულებაში განსაზღვრული ფასის ცვლილება დასაშვებია მხოლოდ შემდეგ შემთხვევებში:

ა) საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა), ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებაზე.

## 11. ფორს-მაჟორი

11.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

11.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;

11.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

## 12. მხარეთა ურთიერთობა

12.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით;

12.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, თუ ამ თარიღიდან რომელი უფრო გვიან დგება.

### 13. ხელშეკრულების შესრულების უზრუნველყოფის გარანტია

13.1 იმისათვის, რომ თავიდან იქნეს აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, ტენდერში გამოიყენება გარანტირების მექანიზმის შემდეგი სახე – საბანკო გარანტია, ხელშეკრულების საერთო ღირებულების 5 % - ის ოდენობით. იმ შემთხვევაში თუ ელექტრონულ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე გამოყენებული იქნება ხელშეკრულების შესრულების უზრუნველყოფის გარანტია ხელშეკრულების საერთო ღირებულების 10%-ის ოდენობით.

13.2 ხელშეკრულების შესრულების უზრუნველყოფის გარანტიის მოქმედების ვადა მინიმუმ 90 (ოთხმოცდაათი) კალენდარული დღით უნდა აღემატებოდეს შესყიდვის ობიექტის მიწოდების დასრულების საბოლოო ვადას.

13.3 ხელშეკრულების შესრულების უზრუნველყოფის გარანტია წარმოდგენილი უნდა იყოს, საქართველოს კანონმდებლობის შესაბამისად ლიცენზირებული დაწესებულებიდან (ან უცხო ქვეყნის საბანკო დაწესებულებიდან, რომელიც გადაზღვრული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ). იხ. დანართი N4

13.4 მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ვალდებულების უხარისხოდ, არაჯეროვნად, არასრულად შესრულების) შემთხვევაში, მიმწოდებელს საბანკო გარანტიით გათვალისწინებული თანხა არ დაუბრუნდება.

13.5 მიმწოდებელს ხელშეკრულების შესრულების უზრუნველყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება - ჩაბარების აქტის (ასეთის არსებობის შემთხვევაში) გაფორმებიდან 5 კალენდარული დღის ვადაში.

### 14. პირგასამტეხლოს დაკისრება ხელშეკრულების პირობების (ვადების) დარღვევისთვის

14.1 ხელშეკრულებით ნაკისრი ვალდებულებების ვადის გადაცილებისათვის მიმწოდებელს დაეკისრება პირგასამტეხლოს გადახდა, - ყოველ ვადაგადაცილებულ დღეზე ხელშეკრულების სრული ღირებულების 0.2%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის - 0.2 %-ს.

14.2 გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,2 %-ის ოდენობით.

14.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

14.4 იმ შემთხვევაში თუ ვადაგადაცილებულ დღეებზე დაკისრებული პირგასამტეხლოს ჯამური ოდენობა გადააჭარბებს 2% შემსყიდველი უფლებამოსილია ცალმხრივად შეწყვიტოს ხელშეკრულება და გამოიყენოს წინამდებარე ხელშეკრულებით გათვალისწინებული საჯარიმო სანქციები.

### 15. ხელშეკრულების შეწყვეტა

15.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ.

15.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის და/ან არაჯეროვანი შესრულების შემთხვევაში (მათ შორის ვადების დარღვევის შემთხვევაში), აგრეთვე იმ შემთხვევაში თუ შესყიდვის ობიექტის მიწოდების პერიოდში შესყიდვის ობიექტს აღმოჩნდება მნიშვნელოვანი ხარვეზი და შემსყიდველის მიერ ხარვეზის აღმოსაფხვრელად დამატებით განსაზღვრულ ვადაში არ იქნება აღმოფხვრილი/გამოსწორებული შესაბამისი ხარვეზი შემსყიდველი უფლებამოსილია ცალმხრივად შეწყვიტოს ხელშეკრულება და გამოიყენოს წინამდებარე ხელშეკრულებით გათვალისწინებული საჯარიმო სანქციები მოქმედი კანონმდებლობის შესაბამისად.

15.3 ხელშეკრულების დამდები მხარე, რომელიც მიიღებს 15.1 და 15.2 პუნქტებით გათვალისწინებულ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

15.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.

15.5 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისთვის გათვალისწინებული პასუხისმგებლობისაგან.

## 16. გადასახადები და ბაჟები

მიმწოდებელი პასუხს აგებს შესყიდვის ობიექტის მიწოდებასთან დაკავშირებული ყველა იმ გადასახადის გადახდაზე, რომლებიც გადასახდელია საქართველოს ფარგლებში.

## 17. დამატებითი პირობები

17.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

17.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;

17.3. ხელშეკრულება შედგენილია თანაბარი იურიდიული ძალის მქონე 2 (ორი) იდენტურ ეგზემპლიარად, თითო ყოველი მხარისთვის.

## 18. მხარეთა რეკვიზიტები:

შემსყიდველი:

სსიპ "საზოგადოებრივი მაუწყებელი"

ქ. თბილისი, კოსტავას ქ. #68

საიდენტიფიკაციო კოდი: 204 858 163

რეკვიზიტები:

დაფინანსების წყარო:

კრედიტით მიღებული სახსრები

გენერალური დირექტორი

ვასილ მაღლაფერიძე -----